

東州集

四

卷十二

~ 16
2427
4



2427
12-4



東州先生詩集卷之五



鐵城錄五

辛巳元日

幽憂獨卧歲將窮
孤夢初醒夜適終
細紙稍通千道
白壚灰猶擁一堆
紅十年已半風霜
移東海之西天
地中耕鑿欲添流
戶籍壺漿兼荷主人翁

社日大雲

幾樹梨花月長從
雪後看今年春社
早新葵帶餘寒
其二

葉綴瓊枝重花籠
玉樹新芳華未可
少粧燹一年春

辛巳春

邊隅氣候異關中耳目平居自不同籬帶尚餘春半
雪樹頭常繞夜闌風弋來野雉推翎紫又去江魚裂
背紅醉裏忽如鄉國典小槽醴酥映杯空

春寒

虛堂獨臥見春歸窮巷蒼苔口正掩扉唯有一雙前歲
燕啼泥依舊傍簷飛

身計

一命投荒抵五年異鄉身計亦依然朝炊每薦長腰
米夜網兼收縮項鱸繞屋晨泉資藥圃近城春火課

畚田床頭杜甕新香豈不負平生枕麩眠

池上

終日無愁似有愁蕭然不下小堂幽朝來偶愛春風
軟看種芙蓉到水頭

林居

林居幽事破昏冥無處經行坐自寧花近小軒蜂入
室草連荒徑鹿過庭春來氣候兼寒煖老去形容寄
醉醒爲報東村劉座首急宜相就共深餅

穀雨日始雨

掃戶條風好巡簷穀雨妨煎茶蘇病肺漉酒沈愁腸

經綵抽纒嫩林紅吐乍芳卽今春事早巢燕莫須忙

夜坐

接屋春霄庠閣門夜氣清漏殘燈暈舞雲淡月華生
萬物天機靜孤懷俗累輕銅甌貯活水酒得一星明

好雨

隴麥初齊插欲生霏霏夜雨達天明城隅是徑春泥
滑滾岸耕田待晚晴

讀史

男子乘時自重輕文功武烈各豪英分桃枉殺齊三
士綿蕪空藏魯兩生亂世奸雄多騁力窮途聖哲獨

埋名百年得失都無賴一片浮雲過太清

春晦

山城春盡旅魂傷絕塞歸心正渺茫芳草有清迷巷
陌落花隨意滿池塘新斟杯勺還憐淺舊製衣裳總
覺長一自蹉跎知命後轉驚時序為人忙

白髮

泛斑到白只須更養得星星雪不知誰識遼東新化
鶴曾同泰塞未歸鳥

次寄奠酒之韻

晴日蕭然坐自如開門忽在敬亭書柴籬物色人歸

後村巷蓬萊雀散初曾為年荒稀社堯近因春旱少
園蔬風流政荷江州隴滋味還兼丙穴魚

落盡

憶昔韶齡毀齒初刺肥如鯁閱居諸浮危已似非關
我搖落終須但任渠舊學衰霞刃不廢新知嚼蟻計
全疎餘年政賴杯中物歌嘯于今亦自如

贈學者李希勉

邊封習氣重兜鍪進士家聲亦罕傳仗窟英華真卓
犖戎壇前藻必殊尤名駒自得飛騰路志士終當踊
躍秋懸思師資無所助強將磨礪待天球

落拓

落拓天邊老關山日默然逢人說歸夢作客恨流年
峽水通河疾雲峯接塞懸他鄉春草歇淚盡百花前

打魚行贈康興慶

今年天旱江如帶水渟不深魚不大康生偶出濠梁
上得魚須尋衆川會先將澤國作郊宮顧視溪流等
溝澮截木為捷石曳絃百夫持叉擁濤瀨提綱慶網
勢漸逼山簡河魴計無奈巨鱗騰身跳夏落長未及
尺皆透外折箸寧存雷雨望穿鰓邊迫刀碁害者看
萬物各有所暫失清波受狼狽野老久客歌薊蕪

味盤腥俱莫賴朝衣荷饋一餘頭飲眼紅鮮恐已奉
催呼爨釋炊雪飯兼勅厨奴斫霜鱸自恠衰病匙箸
健飢人一飽斯其最想君臨淵志懼樂施眾水石相
旬盍瞥眼勝事真易朽回首澄湖淨烟靄

悶

衰容苦恨歲時侵絕域離居損道心烽火每依邊戍
落風雲長傍塞垣陰山分太白峯頭遠木到安陵海
口深遷客不煩極日江南自昔有楓林

卽事

揚葉初稠桑葉稀東窗婦子餉田歸蒲根露渚池魚

躍麥秀連村野雉飛萬物生成俱自得一身歧路獨
長違非無數畝堪安命更有空簾可息機

食菟

朱夏歲將半蔬菽俱已剛朝脯對空案無以充圓方
竟也菜之奴亦儻釘餛行物賤生易繁統圃雜青蒼
清晨摘露莖鹽豉調柔芳居然間諸品炙筋碧鮮光
體弱資老養性滑宜病嘗羨惡均一飽徐步視茫茫
口腹固為累君子戒其荒况我遭放逐五年糜稻梁
所覲免溝壑肉食愧中腸嗟爾混藜藿採掇理何妨
豪門盛盤饌割蔬蕪宰羊腥膻腐下厨此物棄路傍

用舍各隨時胡乃久歎傷

旱熱

暑月人氣燥况遭旱魃纏披衣偃枕席膏火日夜煎
寒泉舊漱玉滌蔭水雪鮮炎波沸如湯枯涸在目前
游魚鬣鬣焦草不欲生烟我閑無外事動靜隨所便
尚當三伏際孰熱浩沍綿言念荷鋤夫多肯死耘田
皇穹薄下民降灾莽連年不辭糜爛酷何以瞻百廛
洪爐與溝壑畢命芽後先蝗螟助虐戾烈焰徒赫然
惜哉墮上麥慘倏歲功損願聞扇喝仁兼陳雲漢篇
颯颯萬里風飄飄泗南干甘霖濯嘉禾群攜鬱芊芊

豈惟蓬室內得遂坦腹眠流連各返業盛德豈周宣
深衷正在此悵望具茫天

五月晦日大雨十絕句

是日小暑

驕陽直到蕤賓晦大雨方隨小暑來天意冥冥元自
定人情屑屑社相催

溪水奔崩井水渾翻簷注屋勢傾盆階前螻蟻移新
穴門外沙洲復舊痕

水稻如針半欲枯雜生稂稗硬難鋤卽看綠翠隨波
長一日應過一才餘

雷驅風劫鬱交爭海覆河翻地軸驚萬井欲隨高浪

轉雙崖正護水門傾

夫勝亭前淺水灘安排木石捍風湍崩崖圻岸隨流
下直接江湖卷碧瀾

長林西廡偃青蒼巨木枝梧稍偃彊白起軍聲震屋
瓦雜川水勢夾沙囊

屋後奔川潰小池池隅疊石勢難支飄飄鳧鴨乘流
去顛倒菱荷逐水披

山泉暗泄小堂西童稚相呼走路泥釜鍾只須通水
道棘籬東畔是前溪

荒菑十畝枕丘園奴子持鋤早出門川路水三歸不

得今宵寄宿淺西村

去年無食甌生塵今歲秋登契菜園已遣傍人尋小
市應知米價晚來新

遣興

香杭軟飯露葵羹小飽婆娑不願盈山近林鳥將子
過蒼低巢燕養雛成廬堂雨霽階除淨疎牖風來枕
席清番老離家卧邊塞一瓢棲息笑浮生

寄崔賓客瀋陽

衰病蹉跎別意傷音書世故兩茫茫行人尚滯西河
館使節仍看北海羊接地烟塵隨望遠窮途歲月併

愁長投荒出塞俱綿邈只是離居可斷腸

霖雨

朱夏炎靈鎖畫慵經旬無計攝遊筇雲陰不散城隍
廟雨氣長埋藥土峯大澤風濤沈楚望中原泥土行
堯封幽居政有愁霖作欲寄關河路絕蹤

贈李增改名增

我家本京洛胡爲越千里紛然遭喪亂不得依桑梓
此邦非故鄉忽將半一紀居窮寒伴侶近身唯杖几
李生挾書至令我三歎起覲面破孤涕披襟陶暫喜
顧慙肉莽甚但賞珊瑚筵爇火雲構炎陰積雨沈城市

前街十尺泥汨沒混風水朝來書函丈蒼蘚生素履
感汝勤苦志深心喻精理至道且無隱文章况小技
村閭日少事晝寢動移晷豈不媿李生嗟哉蓬門士

苦雨

去年終歲旱今年雨無極吳穹具陰陽何緣有豐膏
冥冥一句間莫辨兩儀色黯慘鐵峯西雲氣常溼墨
日月韜大明直愁永淪蝕泥濘填城郭廬井紛擁塞
萬谷射波濤雙崖恐顛踣奔崩拍岸逝南會東津異
及赴晴川口浮天渺不測平沈鉅野覆地軸爲之具
哀哉幾萬家漂沒傷稼穡上帝閔黔黎下顧宜深恻

降灾莽無端仁者難為力况我遠樂郊流離限絕域
誰能去稻梁勉爾藝黍稷豈敢後耕耘實覲收千億
頽汝滌穰苗反思雁蝥賊雖甘狗饑飽忽欲忘飯食
環堵蔽蓬藜出門遍荆棘願言款閭闔身假飛鴻翼

贈白希契

汝家兄弟凡五人吾見其三俱秀美嗟乎何地不生
村塞土居然挺柝梓培栽雨露當及時枝幹舊有昂
霄姿讎風火日終自致勉爾擢秀無遲遲我衰懶慢
神氣低故業蒼茫新學迷庭槐初黃戰兢忙愧之一
語堪提撕途夷馬健車策良去去勿疑驅馳長秋旻

澄霽霜候近試看雁序高翺翔

送白希益赴監試本縣

果占魁

秋來物色近槐黃場屋仍開衣繡鄉共說君家兄弟
衆幾人爭賭錦標香

龍門波浪接詞場彩榜傳呼滿路光想得泥金開喜
近一家看賞第三郎

七月十二夜

初秋尚炙熱意倦卧日長茅簷稍曛黑開戶迺浮涼
澄霄氛氣除大火頽西光行雲吐流月列宿燦相望
庭虛虫羽繁動靜隨陰陽清宵得新霽羣品俱鳴翔

紛紛各天性應候固其常蟋蟀最細微亦欲依我床
念彼負戈士飄飄去邊疆况當三伏交揮汗踰翻漿
委命格鬪場縱死誰尤傷北林隕清露鵲警時夜央
蒼茫百慮集白首歌激昂

贈張應雲

張生學道猶學琴未必賞音能喜音喜之不輟十年
彈忽覺指底諧陽陰生坐塞門習塞俗焉有友師相
規箴常隨獵馱短後衣慣閱闔士長戟林乃肯屈首
耽油素獨性所至專其心去歲奔波走避兵忍饑挾
丹竄幽深何殊林回負赤子撒然棄去輕千金我容

延州纔稅駕便卽見爾來追尋入我之室觀我書如
水灌熱當披襟向非名佛觀玄文閱樂竒拈美攸歎
蕪沒鄉園數畝田沈埋旅舍新秋霖螢曲歷歷讀書
聲遠近細和清夜砧君看江海積浪多納流豈嘗遺
蹄涔咄哉母彥自喪實西土厥貢惟球琳

七月望日處暑雨

首秋餞餘暑涼氣颯以至雖無蒲輪見風雨滌炎熾
灑然乘一快亦足醒我曠重陰塞兩儀濁流包大地
山泉舊滯軌激壑注滂溟况望鄉路阻闕河澗橫漬
咫尺歌灘渡何由有羽翅農家訴蒼蒼田畝臥滯穗

早滂莽相仍慘快高穹意悲歌激危涕欲止已雙墜
沈巡察演相過

天涯相視感榮枯童稚交遊抵老夫拂面塵埃兼畏
景近身關塞卽窮途形容閱世心期盡材力乘時忘
業輪歧路別離無可道贈君惟有淚成珠

晨起聞農談

清秋露氣洒涼天野老農談小圃邊數日惡風吹穀
盡將何粥飯過今年

贈李昌言

人生天地內合散非偶然西州車京輦道路險且千

嗟以與李君會向何由緣忽爾遭世網飄飄遠徂遷
百口盡零落一命甘棄捐豈無故親懿契濶限山川
逢君慰旅泊多病豁沈疴綢繆農里言討論詩書篇
提携破幽憤在昔經五年新知成舊識不復恨窮邊
長風吹孤雁慘悽交雲烟邂逅江海禽顧影還相憐
關河莽紆鬱游子何當旋秋旻六穴沒清露日漣漣
衰慵晝多臥起余賴吾賢鹿羈誠至薄永願同飽眠
贈梁之濠

我性耽靜散相見唯學者之濠雲山來氣蒸汗血馬
於文謝浮慕中好非外假銳意窮典墳深期列游旻

有時請歸省旬月曠門下功成戒作輟頗惟譽趣捨
苦云流連多邑小吏昏寡經過接使蓋奔走及儒雅
公家限程役寒暑俱汗赭詩書在心目道路疲脚蹶
嗟哉西土人誰得安田野勤勞感餘力至情媿輸寫
工商各異業器用資陶冶寧越不可鞭願告臨民社

小中秋香山雪

八月香山雪頻年客舍寒園場秋色盡田畝歲功殫
石擁羣崖白楓摧萬壑丹故鄉當此日清露灑叢蘭
秋分日降霜

郊野嚴冷雨禾穀困離散穡事恐晚晚田峻已差各

奈何昊穹意降霜亦不遲秋分下嚴威兩歲若素期
節氣固有序無乃爽所宜清晨延四望極目凝寒駭
羣物被霜殺羨惡俱淪夷旭日晞草木枯葉盡低垂
時稼况穉弱焉得強支持饑荒兼力役民命僅如絲
我患釜生塵滯壑奚足悲但懼封域內黎首靡孑遺
上帝本聰明庶徵各相隨邦危兵又動豈無召厲疵
人方咎真宰真宰安肯尸歎息謂父老勿言天可欺

和寄李貳師潘行

道左繁霜草木衰行人冠蓋恨何之商山羽翼風雲
遠北海熱羊歲月遲玉玦暮年游塞恨塵沙秋日越

鄉愁此情可待三江後城外長程是別離

秋事五絕句

雨裏秋禾結不牢熟來零落浦蓬蒿奴丁出市田收
晚任過西風一上高

春菘夏蕩早霜蕪膏露何曾白物霜秋芋冬菁蕪穢
盡終年不厭水晶盞

劇雨經時注濁河溪中水物摠隨波應知蟹甲輪芒
早不見漫丁舉網多

常苦更長擁榻眠通宵冷雨益凄然朝來隔戶聞人
語今日寒威欲折綿

新衣未授一寒忙故絮無溫扶更涼尚倚纏綿堪卒
歲朝來著意曠秋陽

把酒問答

六竄窮荒老病交正逢流事遍西郊如何粥飯朝脯
外到手深杯未肯拋

人將飲啄役神形我把生涯寄醉醒縱有窮途回阮
籍寧無隙地瘞劉伶

夜

茅簷歲暮雪霜清照壁青燈發復明中夜幾人瞻北
極五年孤夢在西城衰笳宵宵繞三弄瘦馬蕭蕭強

一鳴坐待紙由通曙色寒厨已有斲冰聲

僑居峽內靜離群一室寒爐夜自焚鷄唱乍分遙巷
月雁聲纔過小減雲詩因久病難排悶酒爲繁愁肯
解紛不見敬亭秋後作令人回首想論文

日暮

今日又云暮人家俱上燈厨烟籠霽雪簷月動清水
凍雀深依樹寒兔稍下曾天時催萬物愁絕轉難勝

大雪行

君不見漢世東都雪三尺城中凍殺千年柏書生閉
戶僵不起火冷厨絕人跡况我出塞經艱難邊上

晝夜常風寒歲暮窮陰連朔漠六雲覆地何漫漫浙
瀝初聞蘆葦響蒼茫邊失郊原賞小城雙崖舊削鐵
西望忽有瑤臺想縱橫過眼志飄瞥落絮狂花現復
滅紛紛漸與晚勢催委積先從深處室庭隅踞石狀
虎伏俄頃突兀高於屋決勝亭前橋十丈終日頑洞
迷川陸是時蚩尤氣轉驕獬威慘澹兼兇颺銀海迤
迤玉京路下界夢斷誰相招野夫努力赴租期牛頓
跌墜水棧危南隣蝸室茅棟弱翁嫗壓死鄉井悲去
歲之冬亦如此沴稔經年仍大水春無齊麥夏無禾
災害至今傷赤子嗚呼流莩甘凍餓仰視皇天意何

東坡先生詩集卷五
十一
奈哀謳扶酒不成曲慷慨擊尊尊當破

朴時敏

山田墾畝久拋荒丁壯差科走道傍惟有村生來問
守三年伴我讀書床

晴日

茅簷晴日解朝霜卯酒三盃引睡長灸背蕭然成小
夢不知山外已斜陽

可歎

可歎邊庭老蹉跎身計非田廬兵後盡齒髮病來稀
住亦幾時住歸當何處歸百年從賦命萬事莫沾衣

夜

久客苦多慮如何當夜生霜看殘月白雪屋曙燈清
塞雁遠逾去村鷄寒亦鳴長安一千里不寐數歸程

讀文六有年

聖賢邈矣王澤竭鳳凰麒麟久無種往往末俗夸異
觀朱草靈芝果何用野老於世百不希願見太史書
有年邇來饑臥視溝壑飲水咬菜心茫然連歲郊原
赭如濯終日但聞千家哭爾哭雖悲復幾時且去拾
橡南山谷嗚呼田餘禾麥盡餘米吾獨受饑死亦足

城二

東坡集 詩集卷五 十一
城上高樓標氣齊，鳴嗚暮角雜秋聲。
天連雨雪龍沙北，地絕山川馬跡西。
輦下浮雲身外隔，峰前落日眼中
中。公誰知玉匣，瑤琴怨獨伴羈鳥夜夜啼。

歲暮行

歲月得之如積寸，晝夜相乘亦至健。
殊方轉弱且六年，只堪消磨未堪恨。
况當窮冬近除夕，屈指新春都不隔。
逝者茫然來者促，偃偃乾坤我爲客。
筋骸參綬已自知，俯視落日傷前期。
彭殤脩短卽朝暮，埋沒抑塞將奚悲。
寰中形役詎幾許，寄食荒村閱寒暑。
山深水雪常漠漠，想見黃昏效人語。
隣家老馬始生駒，騰

踏直欲凌天衢，川陸崎嶇吟幽吟。
麒麟蹴躡隨泥塗，骨肉零丁消息遲。
東望故國何多思，喧喧騾隸走埋汗冠。
蓋織鞵輪蹄疲，曾聞虜庭淹漢節。
後道朝兵候關月，嗚呼有舌不得出。
慟哭三更立情熱。

除夜

天時人事日推遷，絕塞流光共渺然。
謫去已知遠，還歲思歸又過孔。
融年風塵滿日青，門阻冰雪埋身白。
爨薪獨對曙燈無，一語厖眉釋子夜參禪。

東州先生詩集卷之五

東州先生詩集卷之六

鐵城錄六

壬午元旦

陰井尚敲冰細泉纔解凍簷光近寒榻身語碎幽夢
 歲陽逾窮節朝曦射高棟湯餽催我起笑樂從人哄
 呼觴戒煩促行藥蠲愁痛乾坤疲應接日月老賓送
 身為萬物蹊興入三茅洞繕性埋冰炭扶衰事鉛汞
 將等閑衆吹抱瑟耽孤弄汝貴玉為琛吾甘鐵作甕
 人日立春
 詒年人日立春來正憶常時栢酒杯彩勝花傳新氣

色青絲菜發舊根
芝繁華易歇
歡娛盡衰病
相乘歲月催
一卧西州驚節序
蒲山水雪獨含哀

見許惟善書

生死情親并大春
每年書札到天垠
窮愁末路遭新面
交誼千秋見古人
關塞羈栖還鼓角
京華旅食亦風塵
夫應冷讀堪凋髮
掩爲離居解損神

雪假山行

邊城春雪厚無比
積素皚皚蓋平地
掃除階屐費人力
堆作丘陵任兒戲
墻隅結根只西支
數人功成由覆貴
昨夜西風懸圓裂
遠勢飛來儼位置
瑤峯一支

爰東向勝擲南奔
引右臂玄冥感跡
琥珀窟崖谷出沒
巖洞邃天上羣仙
白霓裳翱翔欲下
驚寒次清高真界
散花臺皓鶴青鸞
遂不至誰知曠絕
一畝間忽有茲山
藹盈眦朝陽先鑠
玉筍峯變幻直是
須臾事浮漚起滅
宵難定太丘社亡
鼎淪泗茫茫成毀
底處所滄海桑田
本容易憶昔東游
衆香城銀闕雲梯
稱幽意竒觀瞥眼
遽如失回首真空
俱夢寐區區色相
未暇論歎息吾生
亦暫寄

睡起

微微面暈透稍稍
竈光通久卧從吾
懶端居任道窮

汲泉嘗活木開戶試和風農事西疇上生涯仗歲功

送翁子願換質瀋陽

時平居大位子孫蒙其成持梁殿肥肉息遷在幸橙
奈何遭世亂弱植不獲寧瀋陽底處所黯慘風塵腥
汝纔二八齡始出長安城藐然六尺軀飄飄事徂征
黎民苦存鹵被駟入殊庭父子各慟哭日月爲窈冥
斯誠迫白刃雉兔或逃生爾行豈不悲電勉赴期程
干戈浩蕪地就之若趁榮悶爲形勢牽使我感憤盈
春寒半解凍泥濘正縱橫努力加飯食勿受憂患撻
伯氏任襟梁割愛非寡情邦危實懼亡家國殊重輕

持此慰汝意塌焉心骨驚收淚視往路天宇莽崢嶸
山川曠無極恨恨那由平

解李坐悼老

昨日兒始生今年人益老朝暮遞相代來往猶在道
大運無停機春敷已秋槁不見桃李陰繁華遽如掃
徒聞薤露晞孰睹桑瀛燥萬古一軌轍何者爲壽夭
是知造化力恩怨俱草草旣去未可操方來安足保
閉眼存歿屢焉得好懷抱同塗豈異歸勸若釋煩惱
毋將蒲尊酒羨彼千堆寶醉曠霎餉間百劫須彌倒

社日雨

東坡集 詩集卷六
社日濃雲拂地長春城雨氣欲生春朝來更有尋巢
燕不為輕寒閉小堂

傷春

八表烟塵晝夜靈星槎影斷絳河隈
氍毹屢入秦皇塞甲騎長臨漢武臺
天外音書鴻已去海中消息燕
空來唯餘花柳新年色併向殊方次第催

春事

住近丘園松作藩方春不省啓蓬門
和風日日吹花信細雨時時濯草根
波之水禽窺淺渚地偏山雀到幽軒
忘憂莫詫杯中物統舍青青恰是萱

山城

縹緲雲霞外孤城睥睨寒浮生嬰網
罟萬事負艱難北望青山衆西臨碧海
寬春心迷故國烟雨暗長巒
夢罷

僑居寂歷近青山地僻柴門早上關
離恨暗隨芳草長羈魂空對落花閑
時危世事驚心後身老光陰瞥眼間
揔爲相思獨不見一甌春酒夢龍灣

憶昔行贈林崱

憶昔丙丁歲危運遘陽九甲兵冠天來
列鎮蕩莫守關西實門戶鋒鏑及鷄狗
我時去京輦水陸疲奔走

東坡集卷之六
詩集卷六
所遇半生死骨骸相踐蹂雖多舊親知零落猶在否
縱橫豺虎窟慘怛回白首爾翁忽投訪纍然新莽毋
艱難雙涕淚各經風雨後對面恍驚疑悲嗟爲之久
窮途展良覲此義堪不朽汝今抱書至克家乃自有
遐荒寡儒術羨質終魯莽孜孜藝嘉穀辛苦除根莠
掘井與成山古人應善誘茅楮春畧永講誦須盡酉
不見炙背畔筋力倦服畝不見逐利徒道路蔽擔負
未敢墜職業受分隨薄厚况於黃卷上賢聖臨左右
勉副立揚願毋爲泥塗垢

春暎

春暎令人起吾衰亦杖藜草將歸思茫茫遣旋情迷
舊衲穿番換新醪嫩可携憑誰話幽事山鳥近簷啼

崑玉篇贈鄭厚已

玉之產崑崙崑崙靈蘊清淑地遐路幽昧冰寒河源濁
至寶誰能識千年閔竒璞甘將瓦礫曹寧免泥塗辱
夏工忽相遇歎息潛駭矚携來入中國細意加龍珠
祥光發玄夜異氣騰還屬價重十五城黃金比嵩嶽
庶以清阿貨得充王者服向微和氏賞埋沒空山谷
鄭生起邊朔嶄嶄露頭角所居旣僻遠并觀亦易局
翁鬱鬱羣沙文采日以枯而我惜天資餘輝借隣燭

磨厲向二年色澤已溢日瑚璉誠美器忘忽戒信宿
須令一刮眼勿受三別足成就在人功不見崑崙玉

五杯歌謝成川李使君

關西老人異成學寒食虛齋坐蕭瑟山城貫酒淡無
味瓦器飽尊太真率誰似坐陽明府賢遠寄五杯光
炯焚得之疑從獻寶宮剖蚌始照朝日鮮又如璇虬
抱幽卵殼破龍飛靈氣暖殷瑚夏蓮果何有惜汝獨
遺和氏眼自經冠纒勃律河截肪上品來無多豪門
莘屋不易致若此亦矣美但過我願置之思朝享澆
澆蒲酌流霞香窮荒漂寓粥飯翁玩此實恐招愆殃

憶昔逢君驅傳馬冬至嚴風振客舍相携遂作少年
歡一飲百觥那肯捨卽今饑卧動日月甕底生塵忍
喉渴非君負我我負腹撞碎玉杯還造物

杜鵑花歌

我有花樹庭中央花來約高三尺強居然見花五開
落已長一倍過我長非花易老我久容昔髮未變今
滄浪卽令花謝有明年我年忽忽不可當故我惜花
無惜春珍重勿受風顛在花嬌惱我守寂莫我羞對
花論悲涼誰能聽我歌此曲爛熳共醉花陰香

春盡惜花

春來不見花間葉春盡稀看葉底花莫惜尊罍黏落
盡當愁風雨洗空棧
春來花事一旬間過眼繁華只等閑休放落紅風掃
去勞勤留點綠苔斑
殘春無處驗春歸但訝遊蜂日日稀忽見落花紅滿
地閑情相對暫依依
惜花無計留花落盡日巡階太劇狂萬點隨風堪懊
惱不如醉倒藉餘香
春樹繁華寂寞空門庭還愛綠陰籠開花結子年年
事不向東風怨落紅

初夏

逝矣傷時客蕭然結夏僧荒階移碧藓古樹上蒼藤
睡接禪心之精隨老境疑忘言坐幽夜簷月代清燈

旅夢

邊城天氣混風塵莫莫淒淒正惱人鷄唱每依荒店
曉鶯聲忽似上林春雖無醉卧經千日實有慵眠動
一旬旅夢不知鄉國路落花飛絮共紛紜

別李兵使

玉節西辭淚水春離亭延望見行塵歸朝若說江潭
客側近窮途更畏人

端陽

菖蒲葉大弄和風
葵壘蜂房處處同
自愧羸骸淹宇內
還驚令節屆天中
村邊細麥千畦綠
庭際繁花一樹紅
時物數隨流序變
老來人事更匆匆

一室行贈金顯民

人生生世間行止隨
所遇是身如秋葉零
落辭故樹從風委溝
渠漂轉迷去住
延州非我土忽經歲月
屢一命苟飲啄何心
廣場圃蓋頭只數椽
蒿萊沒環堵日長春
夏交亦足庇暑雨
蕭條容席內不負送
朝暮况有室中書而
多戶外屨僉僉嗜學
徒豈以逐臭故

邈矣羣聖人遺文照竹素
欣然會意處渙若清颺度
勿嫌君子居編蓬類暴露
顧笑謂金生此翁善自喻

沈觀察惠米

吾老無家且無錢
但有一病經三年
已當春夏耐苦
饑朝夕所恃粥與
饘茫茫忽忽睡
正如落帆天之
邊竹馬故人來
按道意氣偏恤
溝中捐肯分糧
粒濟危途美甞斗
水霜枯魚輪蹄
到門溢觀聽竄
突生烟警里問
黃梁白粲蒲眼
香軟炊大嚼
且中虛厨前小
婢久菜色
晚後已覺眉
頭舒西州流
餓屍遍地發
粟應關長吏
事投荒旅客
不惜死重惠
豈合歸妄施

公將高義軫窮交我縱自憐還自愧狂呼隣叟同一
飽未敢獨私仁者賜

次李仲明寄詩

春日蓬門閉夕烟醒時呼酒醉時眠端居不省離騷
恨及讀新詩始惘然

池塘春暖水生烟庭院風起柳欲眠欹枕忽驚千里
夢一簾疎雨坐蕭然

多病

多病行倦移時午寢醒林鶯捎映蝶落葉墮蜻蜓
物態猶形役人心自性靈亦醜對微雨菜甲摘新青

贈卞誠之赴潘回轅

憶昔風塵海內清看君驄馬赴神京誰知此日東歸
路猶是當時北去程道塞暮雲連朔野菊門春色阻
邊城關山極望千行淚未似他人惜別情

成川使君寄示宣川所和玉杯歌

成川卽宣川婦翁

詩才忽得謝宣城薰憂河南大尹清早向門闌瞻玉
潤新從詞翰聽金聲年來契濶俱無賴老去風流尚
有情何路逢迎成鼎坐銜杯相屬展平生

時物

隴麥黃猶綠山櫻白又紅歌林風色外細礪雨聲中

遂性偕羣物忘形獨老翁君看新乳燕不戀舊巢空
壬午立秋日記事

早早晚仍滂天澤諒不周甘膏化陰沴浩浩彌立秋
立秋注逾甚六勢决九州朱陽闕玄霧况覩西火流
瓦屋舊帡幪中夜漏未休裝囊無所惜奔走喘如牛
朝晏始啓戶曠庭生小洲山川相反覆瞻矚駭盈眸
猶疑長平戰血散遍坑溝復聞隣里言洪濤圻畜疇
都漂禾黍去肯餘根莖留皇穹予黔庶忍今絕其喉
頻年降災害惜莫知何由餓莩盖自古摧壓胡盡劉
近城一家材埋沒隨波漚隔此二江外幾個成魚頭

靜思水底魂淚下不能收父老三四人惠然覓我愁
謂言昨日事曾非神所羞東淵睡起龍穴古厭卑陬
移因風雨會挾以雷霆轉蕩雲萬炬火巨杼赤氣浮
轟威裂崖洞巨聲孳巒丘蟠依千仞石呀作百丈湫
冥冥至神物靈變難比伴我感喟興歎天地爲置鄒
潛鱗亦震蕩偃蹇辭巖幽聖哲值艱危懷安焉可求
狹路方峴峴豈敢嫌遠游世故與農功鬱紆沈百憂
次麥飯行

六歲去鄉井孤身寄荒遠堆餘稀梁戀口腹方自恨
餐玉負宿心嚼麥諧始願初厨分早菘細意營哺飯

中炊潛乍泣小進氣微噴逆鼻愛芳香充腸悅柔嫩
無勞渠盈歇豈待素書勸努力加七箸衰年倏肥健
久客借畬田恒慙耕者遜秋成獲私實此足祛深慮
既受衆目憐寧辭迺公恩紫殿薰風至初嘗向人獻
九重解憂軫羣生濟饑困欲騰兩歧謠樂多聲復曼
永斷腥羶慕仍蠲蘭芷怨殷勤護短畦日用配葱寸
懷朴德雨灣上僑居以潘中經年出配灣上
舊友多年別清秋此日悲艱難懷世好慘澹恨時危
去國湘潭遠歸朝漢節遲離憂與同病白首各相思

次僑居韻

秋來虛室意茫然耽愛清幽性獨偏厨戶向山荒蔓
入井闌低水古苔綠桑麻地靜希宵夢几席風涼省
晝眠自笑書生餘習氣白頭心事高陳編

次澧山字見寄

僑居地絕古嶙山明月常時照漢關怨別詩篇非遣
興忘憂杯勺豈耽閑蕭條齒髮相離後潦倒形容久
客間惆悵江干楊柳色一年秋氣動遙灣
一畝幽居擁四山風沙晝夜近胡關心如止水寒逾
靜身似浮雲淡又閑西望魯連滄海上東依箕子井
田間千秋不盡書生淚落日茫茫下遠灣

藜床

藜床小坐樹陰清
蟬咽蛩吟各物情
不向關門逢尹
喜敢論人世棄君平
久拚愁病身何重
却屏壺觴累
始輕腹裏有書秋
欲曉近來陰雨少天晴

白露日鄉人餉新稻

野割黃雲夕
菴分白露秋
投珠比重惠
炊玉散窮愁
口腹秣初累
菴舍未自由
豈應關塞外
偏合稻梁謀

秋景

林木日蕭蕭
虛堂秋氣驕
詩書依絕域
燈火坐寒宵
嶺石蟠懸磴
三漣汎上潮
危巢有烏鵲
風雨正漂搖

其二

翠壁依林壑
清霜染薜蘿
茅齋秋徑僻
桑葉夕陽多
戍鼓和殘角
村舂雜互歌
山家准易雀
門外莫張羅

秋分日大雨

八月將終秋
始分重城風
雨夜紛紛
芙蓉水蕩蛟龍窟
草衣雲靈虎豹羣
鉅野泥塗愁
外望長江波浪夢
中聞應嫌玉塞
纏兵氣爲注銀河洗虜氛

秋興十絕句

西至東臺晴日光
朝來不省曉來霜
阿誰着此丹青手
幻出高林赤又黃

日日來來得又拋流光已涉九秋交今朝送盡南歸
燕猶爲明子護舊巢

秋日燈前蟋蟀鳴常時入耳兩無情悽然客臥關山
夜知是愁人釀淚聲

四序平分秋易傷晝何憶慄夜何長清霜已改千林
碧霜樹寧辭一葉黃

木落天高秋潦乾故園東望路何難關山八月西風
急今夜松楸白露寒

邊城霜落刺榆黃天末高風送雁行八月關河消息
斷故園歸路入秋長

天畔孤城落一邊高秋物色遍山川寒花獨保風霜
後腐草空慙雨露前

爛熳東籬九日杯高情逸興併相催蕭條宋玉悲秋
恨爭爲當年作賦才

殊方行止本無依客舍簞瓢計更違秋後歲功收得
少春間水稻種來稀

孤城又對菊花斑落日行雲雨不還六載故人無一
字世間窮處是關山

贈白生

四壁風霜歲暮清一窗燈火夜深明須知此日尊前

話恁是他年別後情

謾興

城西十畝薶荒蕪
秋日黃梁佐旅屋
不爲窮愁書咄
咄寧回伏臘辭
身身生來自恨筋
骸緩死去誰憐
骨髓枯石室文章
千古業欲將餘論
付潛夫

次游客東臺韻

縹緲東臺紫翠重
高秋秀氣滿城濃
天浮渤海三千
浦地接香山八萬
峯從古笙歌留勝
跡只今烽櫓倚
崇墉雲霄咫尺仙
遊阻風取冷然不
可從

十月三日懷伯氏

終天歲月忽如流
華髮千莖感楚囚
客舍風烟黃菊
老故園霜露紫
荆愁林鳥有恨還
今夜塞雁無情又
一秋誰見兩番垂
淚處惘然燈燭五
更頭

龜城行贈元順健

麗代烟塵暗西塞
枉矢東行天狗墜
棄城守宰紛如
雲千里輿圖沸
橫潰龜州彈丸迫
且孤犀也折符
屨警備兇徒穰穰
來未已睥睨漫漫
戎馬氣長圍月
暈嬰白雉霜重鼓
寒聲半起將軍勞
士士爭奮隻手臨
機運尺箠兵前草
木羽扇外城下梯
衝指顧裏陣上
老胡識虛實自說
平生閱壁壘結髮
先登到白首蓄

眼今看墨翟守奔旗亂轍卷歸潮掃蕩昏氛整乾紐
憑堅制勝古無比赫赫丹青照不朽當時豈獨上將
能史有邦人爲左右遺黎徼福數百歲想見風流在
後裔元生近自龜州至鄙夫激昂思攘袂使汝上著
保鄉井耕鑿世世誰所惠撫事隕淚懷往昔欲討文
章愧末藝爾來箕封幾腥膻時危慘惓橫戈鋌苦心
征繕只一役撫髀獨歎頗牧賢安得辱也二三輩坐
畫廟護清四邊再觀赤子俱晏眠與君讀書常飽飯
慷慨共說庚戌年

立冬日雷排門

雲山千疊莽脩迥樓近關門鼓角復脉脉長川隨岸
去茫茫殘日下坡來衰年脚病三秋雪永夜邊心十
月雷錯道和戎金幣盡接天氣稜未全開特房使疑
喝百端
隣居笛工聲發琴娘劉哥俱老每夜奏伎
鐵笛誰家倚玉琴寒空月彩散高林彈爲白水將歸
操吹徹黃雲出塞音行樂尚傳他日事流離秘切暮
年心梨園樂隻琵琶女長使騷人淚滿襟

放麋

爾性愛閒曠逍遙嘉樹林曹遊隨動止豐草在所尋
野老候時育得之山谷陰携來作庭玩慰我獨行吟

虎茸一尺姿驚躍不可禁編籬防外逸食以苹與苓
調馴久成長若會人意深雖蒙養息且免豺虎侵
終多恙侶感未輟啾啾音躑躅枝杙內顧慕靡自任
狗物於士懷惻隱君子心耿質經久狎忍汝充魚鱗
奈何芒拘絆區區取荒禽今晨命豎美放置清溪潯
脫焚志教嬉數澤莽幽森出處慎虞羅獵夫跡原箴
吾万匹網罟六年彌陸沉茅簷纏百慮鬱鬱傷危襟

秋日韓即讀書三說寺因便寄信

冠岳前朝寺詩書靜閑關秋陰移疊嶂落日滿空山
翰墨開愁眼炎涼換別顏虛瞻南去雁歲晏不知還

放筆

受性耻苟得多藏所深報獨於經籍上洪纖都不揀
探尋隻字要撥棄萬金產其人雖骨朽其道在方板
或敷而旁肆或秘以玄簡維網貴必提突兀安可剗
清抽獨爾鳴健荆銅陵鏟細觀作者意用才固無限
目擊乃心喻忘言寓微亮精神忽相感金組馬足縮
世亂薄儒業羣飛競穢穢嗚呼天壤間寂寥一雙眼
惻愴斷絃餘三歎廢朝餞

醉筆詠小兒

白雪淨瑤階森然開玉樹床前兩小兒清羨亦無度

東州集 詩集卷六
携兒對雪醉復歌向末哀樂當如何

高郵客

朱絲折風巾綠地障泥錦契潤十年權纏綿五夜飲
箕城小馬流如星故粉餘香滯腕梳

伯氏忤朝議責黜近未聞消息

天隅蹤跡轉衰微垂老乾坤萬事非骨肉一時罹網
罟雪霜三月曠音徽傷禽只怕聞虛彈弱羽何堪觸
駭機故里舊栽荆樹好無由會合益霑衣

小臘雪

大雪迎新臘餘寒送舊年春深飛絮日香暗落梅天

漠漠塵沙亂茫茫睥睨連虛窟對積素偏映鬢絲鮮

得伯氏書

近得千金信深憑尺素論光陰催歲盡世事劇瀾翻
黑白隨羣謗周全出 聖恩由來種瓜地最好是青
門伯氏往東門外

酒中檢曆

風塵萬事抱無憐偶對壺觴破寂寥笑盡一年三百
日就中安樂是今朝

偶題

山城西北一村深多病幽棲遂至今過臘雪霜猶浙

東州集 詩集卷六 十一
瀝立春風日轉陰森真拋薄技齊門瑟暫寄閑情趨
女琴自古干戈彌宇宙世間賢哲盡銷沉

立春日挑菜

殊方節物強提携春日辛盤照眼迷山艾綬蒼仍帶
雪水芹絲白細隨泥泉源始動新芽短土脉微融舊
葉齊客裏豈宜頻見此暫時低首意悽悽

新釀熟適家人告米罄

經旬醉卧倒瓶罌朝日三杯又解醒午渴欲蘇新井
水近庖還有小槽鳴

條侯從理會非虛榮啓行歌樂有餘休把土升撓我

躋迺公身世在華胥

感遇

北風天大寒日夜常感發季冬陽氣北邊上猶慄慄
峩峩太始水地與屋石裂東湫屈盤龍角鬣凍欲脫
偃蹇雲雨姿冥冥千年窟丈夫且安居長夜方未畢

其二

有鳥處江海與世不相干雖非鸞鳳姿容止紛可觀
飛行恣飲啄游戲弄清湍奈何引吭鳴忽當冬夜寒
虞人伺機便弋宿以嬰患崎嶇歷萬里羽毛中摧殘
顧視燕雀儔卑棲在堂壇方知瑣瑣者用智獲所安

其三

麋鹿性山藪不願游康莊迥然原野間絕意營稻梁
清流以爲飲豐草以爲糧放戲候春晴虞羅慎所藏
逍遙樂天放庶幾無天殤

井華

宿酒初醒肺渴妨千金無計潤枯腸呼兒汲取新泉
水一味清寒滌齒香

臘月二十八日大風雪

歲云暮矣天地陰一日雪下三尺深瓊沙漠漠四無
際銀海溢眼寒光侵灑颼夜發恣掀斲坑塹密塞踰

十尋崩崖裂嶂白踏蹬疾雷擊碎崑崙峯百年故老
嗟未已壯觀平生每屈指古城梁奚他里歸跨馬却
墜埋頂死鄉間聞見同一哀况說爺孃哭愛子嗚呼
陽春不至饑凍逼仰視高天淚如水

除夜

茫然晝夜任環回及到今宵意自哀稍稍三更三點
盡依依五十五年來邊樓曙角沉雲表故國春城直
斗魁愁眼不隨流歲轉朝朝長在望鄉臺

東州先生詩集卷六

東州先生詩集卷之七

鐵城錄七

癸未元日伯氏恰年六十

窓暈微明鷄叫頻的知今日是新春那將一盞屠蘇
酒遙賀堂堂六十人

元朝

天涯雲物一回新淨盡冰霜海岱春元日歡娛同萬
室衰年涕淚獨孤臣城隅儼地耕田早礪曲疏渠引
水頻料理灌園蕪種秫不知何事復關人

贈李琦

農惟萬務本業專四民內古食力士服事親秉耒
耜也從我游不虞爾田穡詩書實蓄畬講誦猶灌溉
用心趣捨間擇術實所愛春勞觀秋獲歲功豐報資
新陽解土脉微雨纔破塊耕者方及時勗君戒荒廢
尹仲素使過相訪

贈尹仲素

自頃得老重以交亂淪謫或時會意伸眉雲

衡門上日啓蓬萊使節經過在馬蹄官路雪殘遼野
北驛樓春動沮江西衰顏對燭驚心極青眼傳杯到
手迷一罍塞垣離別慣老年情緒不成帝

餉問輒冥然自慶今七年矣近與尹仲素歡
飲三日賞心樂事實窮途亦有而轉眄離索
又復各天則安得不愴悵傷懷劉越石所謂
以一丸藥銷彌年疾疹誠難矣遂作古律一
篇以紀所遇云

落日照桑榆冉冉下山根間里擁道周車馬溢窮村
老夫杖藜出高蓋在我門拭目見故人相慰久別魂
七年再覩面萬事寧盡論以余齒髮變怪子顏色昏
摧傷風樹餘雨露復春原自愧陷羅罟永負知己恩
寫哀豈無地莫保縲命存強收蒲睚淚百端中營煩

東州集卷十
與君異榮悴焉得同飛翮重念聚散期樂寡悲緒繁
僕御整駢策清醑湛盈尊勿云往路長且爲駐歸軒
游子戀京華逐臣廢壑垣嗟哉臨决絕不復申晤言
何以釋憂思所貴文詛敦佩芳當佩蘭種草當種萱
次寄許惟善江陵

迢遞離居域東西地勢窮天將沙塞隔水與鑑湖通
書翰新春後悲懼七載中寒松今夜月應照兩鄉同

荅李道章赴瀋寄書

龍樓賓客事征鞍遼水從天此路難
馬首長依西日暮鴻飛猶犯北風寒
書來舊好嗟何展老去離懷苦

未寬仍想眷今原上急欲將危涕問南冠

時天章在瀋館

東陽尉被查自瀋回來訪

遼左行人早著鞭關山春事艷陽前
歸來道路三千里收拾風烟百五天
遠客逢迎還酒席異鄉流落且詩篇
相看莫歎形容改垂老離居抵七年

寒食

惻愴歌龍日衰微歎鳳年浮生傷暮境
旅泊卧春天松栢鄉山雨蓬茅客舍烟
良時易流轉百感坐潛發
長白山歌贈江界金夏琳生

長白山屹起盤踞天地東
大勢直上磨青空北阻溟

浸走却回元氣未洩沸鬱而冲融西支橫鷲並水行
曼行遠赴渤海之風颯龍公渴飲玄夷宮天矯奔頓
百里不止千里一屈蟠發爲蒙羅蓋馬別爲狄踰之
穹窿開爲四城控扼大藩作爲都會雄珍禽奇物不
得擅其精有魁夫傑士間出乎其中受材豈皆推且
駑惜也沈抑汨沒甘長終四時逐獸鳴桑弓鄒魯逝
矣無一通匪伊厥初殊膏豐汝今結髮擔書事游學
耕亡其耦獵失曹塞俗指笑訕愚蒙亦知慈母朝暮
倚門望孝子立身期業崇草生綿綿在遠道欲以上
報春暉切曷不見長白山中產靈藥其人賤視凡卉

同斲空携持走絕國價重璧金齊華嵩貝珠孔翠銀
錫銅離土入肆充百工至寶越鄉聲乃降玉絳琢雕
光奪虹彼羨者子勿守藩與籠嗟哉彼羨者子勿守
藩與籠

三月一日雪

翳日東臺雪從西一陣雲烟迷初藹藹風急忽紛紛
暫欲禁花發終須放草薰陽和兼爽氣不見有塵氛
暮霞還內院訊機公

一錫還山去杳然人間路接上方懸春深穀雨三三
節洞閉瓊霞六六天獨掃空花朝玉刹閑敲清磬禮

金仙因渠爲問維摩詰許渡迷津之幾年

紙窓憶李萬戶

鑿壁安窓誰所爲長懷逝者有餘悲朝朝慣送流光
轉不爲人生駐少時

閱醫方

抵老窮荒久謫居深憑藥物救中虛唯尋草木分三
品不取文章滿五車垂死敢希延歷術餘生偏感壽
親書紙憐疾病膏液細學忠州陸敬輿

送韓卽五相

邊城春盡却蕭條久客東歸不可招握手逢迎非昨

日傷心離別是今朝簷泥乳燕端居靜闌樹啼禽獨
去遙莫惜雙魚傳尺素晴川百里本通潮

貧病

天地栖栖只一身蹉跎五十五丘人湘潭放逐兼多
病遼海流離任久貧囊裏有錢憐子母篋中無藥感
君臣浮生縱死應關命不敢嗟嗟枉損神

送玄賞返京

身事零丁世故紛仍傷血屬又中分憑將絕塞千行
淚去洒橫城七尺墳他日立揚吾倘見一家詩禮爾
曾聞殷勤不但相離意雙眼長懸水外雲

李暉送酒

滄浪漁父自沉冥但向江潭問獨醒誰似關西李進
士一盛春酒慰漂萍

頭童

細看頭上髮非由黑化白黑者因氣衰浮根易以落
既落黑不再新生白如積落之倘少延生也當誓却
黑留恨無術白拙巧緣隙始憐黑盈梳中悲白滿額
白又終舍去黑何敢愛惜居然老秃驚曾是霜毛鶴
白黑俱蛻盡奚暇懷宿昔廢櫛諧性懶投簪愜心適
變脫十年間一場造物劇唯餘頂門光生滅都休著

躋十思護短詩人尚善謔誰哉我同病聞此當大噓

庭樹行贈延山梁遇孟

我愛汝家庭樹好一畝清陰洗煩惱翠幄流颺敵朱
夏青雲偃蓋團晴昊誰能爲我封殖之每思將身就
橫倒關情植物尚如此况汝風神挾文藻彼莖根莖
擢厚地培栽必賴人功早生成雨露及長時蔽日排
風待合抱卽今旱熯焦下土火氣爇天泉礪燥會當
相携出汝家暫憩庭陰重洒掃欹眠過午減宿醒卧
聽笙芋慰羈老然後乘涼取長道

爲農

類年十口苦無資餓地耕耘敢後時綿谷曉烟燔宿
芥小蒜春雨開新筍蔬渠水短分秧晚接塞山高種
豆遲鹿飯一盂收自有何勞肩肩強營為

遣意

庭蒲池露初含風乳燕巢豐各歲功物化經營還少
暇人生漂泊且安窮披肩短髮甘香白照眼繁花厭
委紅棲息一枝猶未定哀歌蕭瑟百年中

述懷一百韻

鼇極天行庠鯢溟地勢力曼星又交百越國號並三韓
坐守殷墟麥神君太白檀桑麻披雜貂薇蕨挹清灤

仙李膺其運綿瓜啓 翼拒治隆周禮樂儀煥漢衣

冠世德聯番組門榮嗣執鸞韜鈴大司馬冢宰古天
官素業承墳籍玄風脫綺紈夙岭師匠妙畢歲費精
剗花秀三荆紫枝抽一桂丹放蹄凌迥埒莖軻戒晨
館惠渥霑端笏光華藹襲幘功名良易迂寵辱割相
干道喪泥塗迨時和玉帛幾亨衢方致遠狹路早知
難白水初開跡青霄始整翰披山採芝菌漉海貢瓊
玕藻鑑持衡署雄藩授鉞壇鶴闡參羽翼烏閣領規
彈諫罷恒焚草朝回每握蘭爰居眩金奏駑馬怯纓
繁壯節推題柱庸才棄畫餒陶甄真茂報罪戾豈無

東州集 詩集卷七
端廟筭愆陰雨胡鋒伺宴安西隣連鞞鞞北略控戎
獠勢比洪河夫人將隻手攔文明千畝曩烽暗列峯
攢地圻黃圖破城孤黑子完水霜經耀甲草莽窮鳴
鑿獵火乾坤燎兵氛島嶼漫原哀疑折疊壑轉訝叢
叢幽壤疲薰粥遼疆擁可汗憑陵遭污穢反覆閱波
瀾閭閻欣重關鈞陳愴再觀邦危當耐苦家難屬舍
酸漏命身餘幾驚魂影吊單傾巢淪骨肉結塚遍岡
巒地久埋金椀天遲下玉棺精消仍臬兀志屈且遭
疏惜誓愁飛鵬牢騷警吹犴低眉囚驥展落翮偃鵬
搏薄俗鳥同調凡情強欲謹懷沙甘鬱悒投石志欺

謾作賦非哀郢論詩詎怨弁那能禁案牘只是付長
嘆夜夢虛通籍朝章實褫鞶肘金拋寂寂腰玦撫珎
珊坐憶官廨邃眠思刻漏殘筋骸從潦倒脚踪任蹣
跚塞柳笳催折邊榆燧屢鑽過逢希眼放喪亂獨心
寒廣樂徒增戚長歌却數權交期憐管鮑姻好感揚
潘兄弟多年別書辭隔月看離居腸寸斷往事涕雙
流曩哭靈根瘁相依病棘藥此生地視息未死積憂
博忠孝差何補悲傷痛若剗深慙上丘壠永愧墜門
闈車溢妨乘棧舟艱畏泝灘張廬掩蓬翟顏巷寄歌
篋客土聊觀稼鄉間或投餐吹荒窮伍負叩鉢困馮

驩屏逐猶齊物幽棲異考繁烏皮穿隱几蛛網悔雕
鞅樹匝扶藤架籬排護藥欄細泉煩僕引散帙遣兒
攤街翠槐行直階紅亭彩團林颺浮晝奕荷露泛朝
溥塵靜凝懸榻涼踈洒藉克鴉尋遙戍噪鵬入暮雲
盤膏液滋禾黍澄湖漱葦在枯腥抽澤鯉野味割庭
狙卽使囊中淨寧窺甕底乾醒憎渙父問醉愛次公
嫻枯槁終誰惜況冥判日拚災熾緣象齒累恐爲猪
肝埋照遺形穢忘機覺體胖悠笑瞻鵠舉去矣想龍
蟠黃閣訂謀切黔黎杼柚殫憂虞紛萬種變故莽千
般力瓊掩豺虎芒織缺髀醜毳裘張片殼亦服候風

統雖倚台符正其如士卒抗駝輪來獲獲駱轡騁嗥
嗥板尉新降虜將軍舊刺奸勳庸宜日邁荅效莫時
忼豪傑俱殊列旂常竟不刊倘聞推在席會見滌瘡
癥傾否須調鼎扶顛要奠磐揚芬漂渤澥紀績鏗噴
岬象審追巖築熊占起渭磻珠丘類集鳳璧沼更翔
鸞替贊經綸密恢恢法令寬洪息覃穴蟻微分牙渚
蜿絕漠騰三箭封關借一丸羸驂勞款段故步失耶
鄆杞梓臨清漢言礎俯激湍歸歟理釣具皓首把復
竿

蝗

大鈞播亭毒萬族靡不有蝗於百虫內受命亦非偶
生成資沴氣茲患從來久必俟邦政失爲害猶指嗾
世泰或未免豈亦遘陽九邈矣皇王前厥類已存否
麟鳳後代無惡種滋根莠怪女一夜間雲凝蓋南畝
瀰漫若洪湖畔岸迷左右濯濯野田青酷經萬馬蹂
靜聽間里談嗟傷百年叟物微具口腹噍咀足致咎
但訝造化仁鍾是真相負春蚕食桑葉紅女爲奔走
農夫惜穉稼焚瘞聖所取人情分愛惡天意何薄厚
災凶浩多門可哀實窮鄙惻愴肝肺熱瞻仰勞白首

別任理山

官居只在萬峯間落日浮雲併不還
無限青山無限水欲從何處望鄉關

萬曆通寶錢

龍驂永阻白雲端灰劫茫茫歲月闌
海外猶傳萬曆說囊中長貯一錢看
銅山幾處風塵滿銀漢常時道路
難關市車書俱斷絕無人西笑向長安

幽事

小砌花仍羨幽庭草自香日烘簷氣煖
風轉樹陰涼
醉夢春宵短慵眠晝刻長
斑裳憑汝在隨意到羲皇
感降翁

醉翁自造容身棺正似春蚕老作繭復向田頭驅雀
鼠區區生死何由遣我今無子又無田棄置百計徒
茫茫流景西頽窮餓逼終日惻愴溝壑前

次金美述相憶韻

萬事蹉跎塞上翁親朋消息漢川東泥塗跡阻青雲
迥魂夢神交碧落通拭眼容臺期特達埋名誦籍感
孤窮朝廷玉筍仙班地猶向天涯記轉蓬

節度使上任歌

朴有吾由寧邊府使多弄

鞍門螭虎動成羣推轂登壇衆所聞開下道分部護
印關西即拜大將軍

喧喧笳鼓上安州士女如雲夾路周回首東臺歌舞
地風烟猶似峴山頭

畫角嘈嘈節使行火旗颭颭入江聲千羣甲騎過天
帳一部笙歌擁翠旌

黃塵簇擁大江前夾岸軍容巨海天雷鼓三聲銃吹
羨將軍握節上樓船

霞綃雲幕翊華堂壁壘旌旗曉日光六月嚴城鎖暑
氣重門列戟有清霜

但夏夜坐

霖雨霽已久炎暉留幾何簾疎客月滿簷豁占天多

晝熱愁兼病宵涼醉復歌星躔望牛女似欲涉銀河

客

老作天隅客長懸地主恩人情殊薄厚自力強盤飧
木稻黃雲合畦蔬白露繁萍漂具生理亦足慰羈魂

立秋雨

絕塞新秋雨孤燈竟夜聞一年嗟已半四序感平分
涼氣侵紗帽寒愁逼練裙何心情流景鬢髮白紛紛

鷄疫

昔余到此奔階徑其久新草木旣不習况問鳴吹倫
或或尋巷歸鷄叫聽無因孤眠苦宵長寂寥風雨晨

飛書節度營爲致雌雄剔縛接近前簷度遠狐狸親
幽窓警三號快若見故人生育數年間乞與遍四隣
抱卵忽中緘始訝今歲青涉手金火交顛隕彌一旬
朱冠日慘悴互德俱沈淪次第十八翻零落莫逡巡
雖存禽畜豈忘品類仁飲啄森在眼足傷族遊神
老病常少睡夜靜浩悽辛何以寓我懷冥晦營秋旻
常聞羽虫孽實關禳沴地絕旒塞垣世亂滋荆榛
艱難積危慮百端奔輪困永懸尸鄉翁托物兼任真

客卧

客卧郭西門冥冥秋雨繁衰年氣無健盡日瞻長昏

樹暗依山寺烟深隔水村關河正泥濘何路送歸魂

前期

衰年遠謫病相隨亂世前途我自知關塞艱危長作
客陰陽迭代每如期青楓雨露騷人泣丹桂風霜志
士悲回首堂堂少壯日豈堪蕭瑟夢中思

除地

隙地繞容席綠隈僅庇扉林風清蒲袖商露細雲衣
暫借人功集新移客寢依邊秋已涼冷倚杖計還違
齋居

清齋斷魚肉獨坐屏蚊蠅寂滅禪初之希夷道始凝

水寒秋更淨天霽久逾澄不避涼颺動翫看皓月升

簞舍

孤賤處幽晦豈敢求曠朗挿籬跨短麓不識天地廣
西偏崖稍傾南北纔袤丈暫仗畚鍤功脩治平如掌
旣獲而勢安寧無悵懜想結宇只一間葦簞類車輶
驟雨落細珠熙陽漏疎網清颺颯以至草木遠成響
泠然滌餘熱實愜祛煩想客位黠生白秋空森題廳
此屋誠隘陋於我便偃仰憶昔金華省宸居靚弘敞
陪遊失宜當得榻也遷放將身墮泥滓未暇懷疇曩
顧茲容膝外恢乎乃餘壤窮達亦何嘗君子在所養

夜坐

夏夜虛堂思悄然誰家鐵笛撼孤眠
風燈照壁吹還靜水月磨簷蕩復圓
院宇疎螢秋露下塞門涼雁曉
霜前天邊一點遠星在暫映騷人淚臉懸

曉起

高林落葉正蕭蕭茅店寒烟鎖寂寥
遠眼獨傷臨水日孤心自切履霜朝
天連塞嶂瞻回雁地接邊沙見
射鵰誰念窮途遷客恨暮年危鬢此時凋

中秋日得李君一相寄門字韻

秋半關山靜客魂新詩遠及塞西門誰知百道金波

影併照三更血淚痕世外襟懷隨境寂
城隅居止阻塵喧匡時策略煩公等
獨保生成是大恩

秋日

林木蒼蒼白露繁葦花蘆葉遍郊原
空留夜月懸虛牖又送秋風入故園
客舍悲歡隨節序人家歌哭自
朝昏天涯幸接南宗老淨品禪經一
細論南僧覺性未講圓覺

寫懷

幽人苦多慮入秋轉蕭瑟鷄鳴不成寢
長夜亦已畢攬衣起躑躅屋角射初日
大運浩無停浮生終異物賢愚各自私
萬古一蟣虱得失互為根盈虛竟誰晰

帶索非吾患伏柱非吾拙達識貴天和藏用故不竭
生隨羣動游死與微雲滅委分任去來何勞狗彘奪

其二

世治人務寡時亂馳騫妨昔者皇王民萬事諧所望
自足無外慕動息如牛羊後代尚爭奪飛走失其常
父子遞相哭生死一何忙患亂漸多門骨槁征戰場
悲哀迫煎熬白日慘晶光莊氏強知化欲以解但傷
旣云彭聃短曷謂殤子長噫乎宇宙內存沒俱茫茫

其三

沈憂壯懷短景西長慮衰顏疾病入索莫善青華去

故園清漢上非無首丘處舊交在遠道彌年曠習疏
勞人願優游仕子耽逸豫凡情苟便適此物混黔庶
客寓借田廬流離強匙箸身從未俗隱志由窮愁著
前哲重成名今我甘執御白日經天速深重欲誰語

其四

先王棄萬機迄今滿三紀華亭一掃天那難紛未已
昏衢淪日月亂象極頽圯宗祊固有神 聖哲啓中
否大運尚荒屯民命等螻蟻乾坤相反覆觸目盡瘡
疴百六交陽九循環蓋虛爾昨者昂精隕氛霧霽箕
尾周星已幾度豈得無終始年命恐不待臬兀風塵

裏

淮翁寄贈錦半臂

瑞錦新裁窄又寬
塞垣冰雪念艱難
仍思禁掖修音
夜棹燭三更半臂寒
披來細細想容輝
繡領盤花露未晞
縱識同袍深意
在此生還愧賦無衣

申氏女偕子兩華來省而歸臨別見意

兵戈關塞七年遲
骨肉空懸夢裏思
將母却嗟兒歲
長寧親偏感女心
悲風霜藪藪新寒
入道路迢迢舊
疾隨努力重期相見
日無今世故更參差

贈申弼華

被命昔西遷天地沸
洪壘蒼黃街路別
但覺腸胃紆
客居中煎熬晝夜雙
眼枯契濶詐幾時
七年亦須臾
不知已衰朽看汝壯
大軀老少各變化
錯訝顏色殊
鬢髮既勝冠我何仍
黑鬚問關千里道
三歎涕泗俱
邊霜刻人骨得無傷
其膚棄置昨日悲
且復爲權奴
權奴若電逝羽翼臨
當孤前期黯自料
後會寧易圖
摧藏方偃息健者莫
踟躕艱危勉樹立
離合徒區區

蒼山

蒼山樹石擁幽居
峽口遙空逐望虛
近渚游魚秋水

淺跡林寒雀夕陽餘羸骸強起須燕杖短髮新披不
任梳老去自傷關外客一年無復故人書

關西有一士贈李廷樞

關西有一士本系李長庚長庚豈不偉
茲跡起編冊葬父獲休祐慶鍾延其名
身封隴西公子孫盛簪纓至今青雲人
蟬聯門戶清波雖未流遠百代仍豪英
宛然眉宇間秀氣露晶軒昂七尺幹
書劔在所成奈何守邊徼一經疲諸生
墮地十八年足困蓬累行益車服峻坂
未輟天驥鳴衣冠辱泥塗汨沒墮家聲
得無愧祖烈當思紹前榮獨立貴自強
學術必專精

曷殊彼田夫食力資躬耕卑飛忽陵嶺
鴻陸連鵬程庶遂復始願燕諧顯親情
及時勉日邁毋爲窮淺嬰

贈金克昌

有儒金克昌踵門求爲文我惜無可應
請誦前所聞鳥跡啓斯道昭哉垂典墳
中間孔氏出表章卓不羣春秋易詩禮
炳煥流芳芬百家沂餘波玉澤而蘭薰
周李師說繁門戶日以分幸賴壁內藏
獨漏秦火焚瓊辭散六經萬古開昏氣
警者得正路免惑他歧紛飢人飲梁肉
浹骨帶酣醺男兒有大力脊硬任千斤
掃地須及泉業成唯在勤讀盡萬卷書
直到爛齒齦

茅簷短景急勿惜窮朝曠身榮父母喜舉步登青雲
先難則後獲昔吾夫子云

蒙 思移牙山

思波一起轍中鱗千里牙州入望新黃白鮮魚紅綠
菜不知留養幾年身

贈處能三性師入香山

秋風關塞外屢見小沙彌爲問西來意言尋性大師

游萬景庵

城隅第運統祇林細碾米泉雪後深客子到門津
蒼發禪居臨空白雲沈窮途別馬關山思絕塞孤鴻去

任心浮世百年送倚著又携藜杖下遙岑

清川望東臺

東臺西望是延州一帶雲烟捨別愁匹馬蒹葭過江
去不知何處又登樓

至日到箕城

故國窮陰接塞天嚴程積雪蒲山川茫茫遠水寒雲
住宿宿孤峯落景懸行邁寧辭閉關日歸來不省到
家年浮生處處堪耕鑿欲向箕封問井田

贈平山李使君聖淵

四遷東徙七年中閱盡人情老作翁獨兄看侯申款

款深憑杯勺緩忽忽山城苦月當由白客舍寒燈照
壁紅莫說江都顛覆日至今清血洒悲風

過先墓展謁

去國當時哭墓行寒原霜露七年情歸來又作湖西
客淚迸荒茅徹地傾

窮冬冰雪鑿千峯落日愁號馬鬣封天意亦知游子
恨蒲山寒雨洗深松

發振威

玄冬閉關後息彼高旌旅行羸駭載疲乘千里事孤征
印死未稱六余何勞其生北風割人肌冰雪凜冽程

野曠禽鳥靜寒月聞鷄鳴高低葦澗而馬跡川不青
辛勤抵兩旬骨痛魂暗驚流離僕夫情相視淚縱橫
學道貴適性到老憂患嬰悲歌出林莽惻惻中不平

望延州

清川江上望牙山極目東南身不還今日西湖回首
處延州已不在白雲間

東州先生詩集卷之七

東州先生詩集卷之七

牙城錄一

余居鐵驛七年於春內移牙山始僦屋相也
 既乃遷於谷烏衣坡凡五遷而至貢津四
 改歲又又一歲丁亥買隙地于津之南屋
 嶺之北麓西偏蓋山磯湖海之勝畢具焉則
 將曠遠之賞四時物態之變使人應接不暇自
 別京邑殆周一年吾儕小人既悅而忘罪性且
 弛置樂自放月澤而流辭皆寓適諧素願雖甚
 親善病不至虞屢有拄杖以扶登陟除風雨

容身外輒緩步逍遙或遠或近有客則從無客
則獨出有酒則飲以醉為度與田翁釣叟爭勝
爭席忻然會心者久之日夕興盡哦詩而歸時
遇役隸擔夫逡巡讓路則中忽縮不寧或相持
觸拏擠入過大以為權以其人之不吾省也方
其境隨意恣神融而形解猶虛放之騰汗漫四
子之鬼貌姑射墜乎其爛化也起乎其天放也
不自知乘翰冥冥之為可惜草澤行吟之為可
樂况可以榮辱得喪累襟懷而久曼樂哉造物
者幸相周全見縷以歲月存遠優閒之適又曾

得幾何其生也幾其死也歸胡鹿原身如鏡
為詩為錄其多矣云爾

癸未至月晦日到牙山

魑魅相隨作遠游又將形影赴之州民居半雜漢苗
言官路遠分雁寄洲逆旅新枝仍寄寓窮途一飯且
忘留人生史亦歸休日下凡無由返故丘

新寓紙窗簾成仍記白傳江州日詩絃閣簾
簾者蓋光念余老境鏗獨何由可羨聊以自哂
流落他鄉只一身江州司馬共清貧簾絃閣真相
似却恨中無可著人

夜聞隣人哭子

人命有脩短生死猶往來
豈覺委骸骨豈顧父母哀
哀號徹長夜聲絕肝腸摧
叩心霜雪下天地爲風靈
使汝兩眼枯逝者終不迴
惻愴百年內抑塞何時開
且復割思愛爾身亦塵灰
直至萬化盡孰能念嬰孩
南隣皓首翁酷被情鍾催
悽悽若淚集不知中所裁

霧朝

前郊宿霧曙光微
近浦村家樹木稀
故雁雙雙綠岸起
寒鷺一一下樓飛
窮年強飯從鹿榻
長夜高歌爲酒衣
憂思忽朝衣內又隨人
事等閒

二十七日丁亥立春

韶齡一往若鷗輪
身免飛騰覺漸頹
小歲將臨丁亥日
新年又建甲申春
雪霜覆頂那禁老
麩粟埋身敢道貧
已把形骸從土木
不知天地有荆榛

立春日風雪

辛盤菜甲映銀盃
令節新年暗裏來
漠漠四山風雪後
不知春色爲誰催

新寓主人有阻色

會稽賢人臯伯通
曾從廡下識梁鴻
窮途白眼還無賴
有媿千秋烈士風

除夜

去歲亦守夜爲憊新年入新年是今年益覺風景急
乍來忽復往既往不可執在再日趨盡老境莽相及
傳舍閱行旅胡乃太汲汲悽悽惡懷抱前後同快悒
寒鷄叫宵分時節已警立茫然委元化衰白免番泣
新年一葉已抽莫羈思茫然望遠汀海岱水霜春浙
浙江湖波浪晝冥冥雲橫極北愁千碧樹繞終南夢
裏青誰念腐儒遭世亂至今垂白歎漂零

貢稅串

甲申元日試筆

千室民居傍海安雄氣雜蜃光寒山形近扼靈峰
秀水勢平吞貢浦寬上日之炎通小市三春舟楫簇
長干新移客土生涯足馮欽于今不解彈

次金方伯元日韻

初旭晴光破早朝新春客榻掩寥寥自憐豪氣年年
減正爲清顏日日凋陋巷軒車臨上節窮途疾病感
中消早飛敢借扶搖力長委泥塗望赤霄

別方伯

雙旌拂曙去難攀多病僑居五閉關地僻人家殘郭
外雪融官路亂山間雄飛已逐鵬南徙弱羽寧隨雁

北還前夜綺筵銀燭影幾時重照鬢毛斑

次方伯再用關韻見寄

行塵堪羨未堪禁別後柴扉盡日關得失神交千載
上陰晴天氣一春間蘭心暗恨韶年度梅信初驚驛
使還門外故人車轍跡少時風雨長苔斑

日本方寸寶鏡歌

容成爐中方寸鐵一片寒光貼霜雪赤岫雲深耶井
涸良工下斲銅英窟江心二月天地熱回祿呵烟電
滌葭陰陽鼓橐功乃成湛湛止水清映骨背爲鮫皮
金粟紋蛟螭屈盤秋潭潔誰歟健步躡銀梯快劍剪

取瑤空月不然吳質斫桂樹細刮玉斧搏瓊屑昨夜
涼蟾澹無輝人間懍惴驚如失真仙長嗟惜此物欲
以上補圓精缺伯氏得之乘槎客瑩我靈臺泯生滅
我今衰白仍廢鐸不向明窓鑿毛髮焉能與世照心
膽永爲羣兒破細點

擬從東村

垂死流離骨髓枯裝囊隨處付江湖南飛茹似依枝
鵲東徙還因愛屋身自古聖賢無煖席卽今天地盡
鷄途茶壚酒榼關身物每到移居愧僕夫

不寐

老罷氣衰常不寐况兼愁病卧江關三更睡熟人間
世獨夜魂飄海上山屈指興亡千載往驚心榮辱十
年還隣鷄數叫簷光動日日催凋鏡裏顏

次許惟善四律

楚澤行吟日囚山處處幽地偏青霽合臺迥白雲浮
仙客桃花水高僧竹葉舟歸心頗無限且得恣深游

其二

近浦柴門迥緣在柳巷幽天隨雙眼去地與一身浮
暮景餘詩卷春波巨釣舟誰能恨枯槁爛漫放真游

其三

供世饒唇頰爲生冷齒牙傷心清漢別回首亂山遶
故友雙魚贈新詞隻字誇何由青眼對共賞仲春花

其四

南國茶含舌東津燕吐牙山雲浮更住野樹缺還遶
別夢憑誰說生涯欲自誇幽居催釀秫半拆映江花

江湖

江湖日暖上游魚浦口帆來碧水虛細雨清明寒食
後和風舶趁棟花初年華易送青春盡身事空看白
髮餘不物不殊京國好暫時流淚已沾裾

松架

偷生迫物理羈旅敢自安移家近冷谷所歷飽艱難
爲避疫癘適堂擇店舍寬簷題只一尺赤日燒南端
隆煇燦瘦骨奮飛乏羽翰今朝假衆力斫彼松枝蟠
虬柯駕蝸屋結構上闌干青青雪霜姿浙浙朱夏寒
洪爐屏虐焰陰冷襲衣冠沈疴忽去體可以展考槃
衰年歛壯氣鹿麕頤加餐流離汨西南萬事錯相干
他鄉累主人不止孰與輩經營愧隣並有身實憂患
忽忽急景內焉用心力殫幾度閱炎涼泯然埋浩歎

登貢津曲城

城下長湖百里通六西一望浩浮空纖漪淨拭皎人

市秀色晴連瓠子宮逗浦魚鹽征稅重上江舟揖轉
輸雄請看泛泛輕鷗羽正似飄飄白髮翁

浮生著處寓微躬漂泊西南天地中七載去餐雲浦
雪一春來倚貢津風波搖島嶼千重碧日射樓臺萬
縷紅垂死尚餘雙老眼每憑形勝慰萍蓬

白石渚村

平湖控西海地迫洲渚長瀰漫乍鹵場自古耕鑿妨
有山蟠浦口隱若龜尾巖渚屋類蜂戶猶櫛梳連岡
巷陌分向背門戶異陰陽晝夜弄上潮解艇隨風揚
牙檣並茅棟緋纜繫離傍朝脯烟在川酒熟蓬底香

生涯寄波濤巨壑爲倉箱丈夫半浮居婦女實行商
魚腥走遠市頂戴日奔忙赤身五歲兒不知室處涼
觸熱拾蝦蟬泥水猶康莊操舟復幾時大小俱肯堂
山林跡獸蹄列肆謹裝囊四民各勸勞萬貨通農桑
物理庶可齊貴在事天常吾衰苦漂泊拙分甘稅糠
踰盤愧有餽素餐中黷傷嗟嗟將奚適終老蛟蜃鄉

題鄭生浦上新堂

慵眠閉戶一旬餘率率馳來看草廬江上扁舟如使
勇門前安步可當車衰年感我長漂泊亂世憐君早
定居祗紹爲孤慙函茶停盃忍淚已盈裾

泛海行

鄭生邀我肯置驛衰朽愧作當時客晨行纔轉霧林
碧日射方臨雲海白卯水彌岸平不流舟子綫舫留
長洲舷開櫓搖已出浦掛席挾挹仍棹謳淪波滸沉
鷗路滑渤澥無極天倪豁東瞻三島翠幾鬟西望中
原青一髮尋源使者烟靄間金節縹緲銀河灣濤聲
春撼令公石雨氣晝壓靈人山貝闕龍鱗祭可數鯨
翻鼈擲蛟螭舞孤嶼回汀互隱見遙岑疊巘相吞吐
是日漁師集衆功巨網下截鼉鼉官施設絃網劇操
縱受投捷疾如旋風忽然應接真須臾運斤斲輪何

事無新腥屢薦素箸餽味飲及蒼頭奴勸余香飯
慰羈老沃以旨酒輸傾倒樂酣歸思終悠悠世亂賞
心還草草薄暮迴鱷雷電起夢境恍惚桑麻裏不就
江潭訪漁父更向滄浪聽孺子

寄贈雲山儒金之侗因懷同邑士子李昭蕃禪
友暮霞向鐵城時數過從燕餽瓜蔬篇內有及
南浦春深白日晚牙山西望雲山遠雲山邑子富材
力別後音塵阻眠飯憶爾問字始擊蒙從我讀書風
雪中作者遺文茅梁肉忍饑不恤腸肚空晝誦寧知
糜粥冷夜坐未覺良宵永隔房翁孺曠正牢滿簷霜

月寒鷄警門前學徒盛冠紳苦心少似金生人金生
豈無二頃田棄之激揚思立身浮世萍蓬亦固有二三
歎跋馬清江口爾來流景詎幾許蠹簡螢囊今健否
不患年少中度慵老境忽忽那由逢千里封緘七字
詩悵然起我離憂惊內院高僧號暮霞牛蹄病士管
丹砂感念時物記疇昔鑪峰香草東陵瓜

夏夜納涼

病榻卧秋隘膏火患相煎開窓納微涼夜色始澄鮮
季夏雖苦熱流颶已颯然虛幃扶淒爽屢轉任所便
蚊蚋回羣飛枕席愜昏眠氣蘇心悟永機靜夢境圓

悠悠委時悔忽忽隨世緣
偃仰與行止吾道不常全
棲遑宇宙內何地堪息肩
且爲一日計豈敢懷歲年

桑麻

門巷桑麻日暮清蕭條
病起一身輕微風不厭披衣
坐細雨何妨散髮行
率二千文聞世變隣家水火見
人情茫茫浩劫迷
今古飲啄奚由累我生

新秋

涼秋白露灑梧桐
燕子歸心一夜中
玉佩仙裙徒脉脉
瓊籤曉漏漫忽忽
青霞眇接乘槎路
碧水疑臨獻寶宮
容臥滄洲逢歲晏
江湖終屬釣魚翁

七月中分三伏終炎暉
欲盡海天空晴雲淨掃妙龍
雨白露涼生雁影
風百口塵埃疲菽粟
十年魑魅倦萍蓬
莫愁鴟鳩芳草
江水秋來上有楓

青寧邊金繼善

浮雲西北是迤州
鐵甕撓天翠黛愁
戍角傷心曾七載
塞鴻回首又三秋
猶憑夢想乘危障
強委形骸寄小舟
原憲近來知健否
茂山烟雨草亭幽

送兩生千里從我一年還鄉

秦川金大振

天球雖不琢琢之光粹
溫始脫普匠手連城表價存

入秦驚西隣遠趙耀北藩至寶世所希文采動乾坤
匹士重意氣千里逐南轅辛勤負笈義永歎末俗敦
精貫金石開裂心歎飛翮積土必成山鑿井必到源
色難非壯夫莫往踰孟賁閩閩日造詣寧豁觀本根
岷江下巫峽滌澗長波奔赤驥眼遠駕軼景超崑崙
相隨歷四序忽見草露繁漸近投衣月况感履霜原
芒鞋涉關河歸念劇風幡空虛守孤寂惻愴臨清尊
身思返故林鶴警喚秋軒居窮別離苦年老涕泗煩
悶為貧賤詠愧贈仁者言春來桃浪暖期子在龍門

博川金發

擇美無所趣處苦人所捨挑躑往跡多棘林來梁寡
仲尼昔在陳絃歌盛從者瞻佇有宮墻患難遺曠野
中誠苟不真外慕實為假始我旅西塞學徒益旁舍
兩生挺翹楚良材比楸櫨內移猶網罟南望酸脛蹠
追隨爾脚肫感念吾顏赭從師道固勤逐臭計應下
屠雪走嚴冬滌霖坐炎夏守志甘淡薄行已極脩雅
號卷尋細字宵缸續膏炮本自具鑪捶豈伊資陶冶
俛焉襲韓蘇急欲攀屈賈他鄉徂歲闌故林涼颼灑
寧忘絲衣斑已愴白露瀉別促歎賓鴻路長愁僕馬
停盃悲滿懷握手淚盈把倘展造父駕先看孺子社

哭淮翁

我懷豈不悲生別仍死別生猶望前期死當終淪沒
忽去間幽明永與天壤異風神森眼目若淘水中月
冥茫從物化驚電隨一瞥憶昔少壯日銜盃倚傲兀
看核空在陳壺觴湛不設年命吾詎幾惻惻長蕪絕

其二

少小富結友託好踰密戚綢繆弱冠年久要見頭白
及茲零落盡留者返爲之累累土中骨人命匪金石
後生門戶多前輩不可作身老縱得歸何處展宿昔
春風濯新柳曉霧霽高閣一迷混茫茫交期付冥冥

其三

辰往世若浮道屈身爲累歸客滯逆旅濛汜行易至
宛彼在心友舍我先脫屣逝者薄滋垢存者疲久寄
達生亦何聊莊聃有遺意彭殤苟一途悲喜可兩棄
志士狹中寢憂人感年駮錯莫此二柄無言黯垂淚

其四

人生既終鮮四海唯一身乘榆蔭松柏獨於夫子親
契闊暮年期約我清漢濱我歸豈有日但感道義淳
窮途萬事裂百端中酸辛永望白雲樓擊舟杳無因
橫城不毛田朝夕返吾真依依上江楫泉路當會神

李統制舜臣墓

將軍一劍靜滄溟東極山川洗血腥
匹馬獨來營葬地墓門松栢至今青

任君孝達與伯氏同甲申世居京師
移葬其親湖南自以年老子孫弱求郡
得綾州將爲歸骨計意悽涼甚悲余聞而賦之

聞君出牧連珠府垂老分符未博閔肯藉絃歌資素業
欲將影骨傍青山春蚕作繭甘終老秋雁隨陽杳不攀
唯有故人離別恨流年偏感甲申還

日十

月華被我衣洗然如秋水還將清淨身生此澄明裏
披襟翹霄漢寸心亦不起圓靈湛皎潔洞澈消餘滓
虛潭貯寒影生滅俱無累夜靜天籟絕微瀾息纖綺
得之俯仰內萬劫相終始耿耿到三更人間曠正羨

鄭生送魚肉

馮驩傳舍劍空長鴻雁何曾足稻粱千載身歸葦表
鶴三旬夢斷菜園羊新割鼎肉流漿羨煎割河魚點
豉香慙媿理生難自力却憑刀几緩愁腸

次坡翁和陶貧士詩韻

余遷牙山未期歲菽水漸艱今日乃九月初

三距重陽至近念無以備壺觴獨坐悵然偶
覽東坡和陶詩所遇頗似之遂和其韻坡之
言曰余遷惠州一年衣食漸窘重九將近尊
短蕭然乃和淵明貧士詩七首云

移居太湖西隣並少因依蕭條寡生理迫此將落暉
投衣感窮節庭宇清霜飛芳草既消歇歲晏與誰歸
豈聞苦節士戚戚我寒飢但念百代後惻愴令人悲

其二

朝起雲露繁負暄坐茅軒所居豈無隣四望皆田園
田園半收穫處處饒人烟而我獨何爲謀拙愧計研

何氏甘緼袍在因猶有言看看范艾雲甌塵方稱賢
其三

我不如淵明乃如無絃琴黯黯塵埃中寂寞闕清音
徒聞識竒字未見載酒尋况望白衣人惠我供孤斟
士窮非一途足以起遠欵千載東籬下蕭條同此心

其四

無室憶尸鄉無田懷土蔓倘規不耕獲瓜投望瓊酬
孔明始龍臥於世計亦周歛起舍耒耜獨爲天下憂
良圖中錯迂伊呂豈易傳襄陽有遺壠蕪沒焉所求

其五

陶然一醉眠外此不相干嗟哉口與腹負汝食爲官
結髮從善宦常愧竊素餐故茲臨老日顛頷傷歲寒
唯有烈士腸不摧壯夫顏棄置勿復道泯然長閉關

其六

霜風卷秋穽颯颯走枯蓬嘉菊破金英一一擢天工
時節逝晚晚國香哀楚壘至人合元和汨與流俗同
榮枯俱可捐得失何塞通良辰對蕭索二仲不我從

其七

逍遙東臯上屬望王江州翳然棄栢影松菊真我儔
雖無金張遇自信嵇阮派一瓢有至樂千鍾貽後憂

吾貧甘獨醒縱醉誰相酬窮賤亦何嘗君子當自修

九日無酒次陶詩乙酉九月九日韻

九日霜露濃葉隕林影交時菊有黃華勁風寒不彫
采采蕭懷袖薄言上山高舉頭見鴻雁嘹唳度青霄
安得一斗酒慰我卒歲勞豈無數畝田春旱禾穀焦
四隣歌笑喧竟夕樂陶陶獨有幽憂人寂寞坐終朝

靈人山一作寧仁

秋曉挾枯竹徐步得幽磻窈窕儒宮西稍涉溪流慢
蒙茸陟危磴曲折乘險棧石秀陰雷塞林瘦陽光鏗
峻壁澁投足敬岑眩游盼峩峩最高峯拔地回過雁

深蟠江海上不見丘陵探尋喜天霽欲歸憂景晏
弱齡慕濟勝鞋襪常自辦唯知徇雙眼未肯饒兩盃
老懶倦登覽真境付夢幻偶出諸宿心躋攀覺便串

桐林寺

窈窕林鬱四寂冥禪庄閉泠泠清井源上廡菁竹細
千年法三宮破壁藤蘿翳丹青半凋換衰草茂幽砌
雨淋金粟影塵昏白毫際變滅彈指頃真佛寧住世
龍象竟冥茫山門有興替獨怪僧史妄謂創天復帝
神器屬顛覆黃屋無安稅悲涼紇干雀身命付莽翠
豈不營道場擅施越海裔竒生苟朝暮何心奉真諦

識者付一哂此俗信愚蔽三歎下坎壈日隱西風厲

大才落相問不知何人者戲書蓮堂夜宴錄列

記名人十數預占官位而余名在第二計丙午

年間所書時余方十八九殆今垂四十年而余

獨存餘皆鬼錄覽之若隔世事感而賦之

流落西湖白髮新抬提墨蹟更傷神誰知壁上題名

客猶是堂中兒在身

香山彥機師亡

西嶽初聞法寶亡藁於落日黯無光人天競奉傳燈
印弟子新開掛影堂案上經文披舊墨篋中書札攬

遺香他時再開龍華會試驗東枝相極長

夢東陽正日鼓引

霜塗野田白風戾林柯振故人臨永路夙駕方遠胤
是夜夢顏色告我別期迅形容稍銷毀光采猶韶潤
欵曲平生言感嗟傷久損屋外聞馬嘶忽忽酒不進
出門重回顧芙蓉藹盈眸驚呼已茫昧濁水淪尺瑾
惻愴天壤間存沒集危鬢百念坐鷄鳴青燈墮寒燼

十月雷

殘年遠謫太湖南世事驚心百慮叅十月雷霆纏海
疊終朝風雨振江潭魚龍大壑堪愁寂豺虎中原想

戰酣風訃易乘身易老此生棲息抱長慙

穫稻

納稼山村僻牛車日在門兒童競收穫鳥雀滿田園
地迳場功少時艱井稅繁西隣有酒伴餘粒具清尊

遷居

客裏遷居避世喧時危何處覓桃源簪纓近接烏衣
巷魚稻斜通白石村矮屋傍山松覆瓦幽溪帶整竹
侵門西偏細麓原登覽曾與他年比謝墩

文韻送趙全尹綱

使節州章日日新 主恩前後未安身鯤鵬海上三

東州集卷八
山曉槐李湖南萬井春竹馬權迎歸字牧板與榮養
見君臣黃堂政有循良吏白屋應無凍餒民
承明出入本稱宜五馬爲州却有辭大尹當官人捨
喜君王錫類世爭知蛟龍失水何堪記鴻鵠摩霄
不可追肯枉軒車留遠轄敢將離索惜分歧

天寒

天寒澤國暮雲多獨向虛齋強嘯歌豈有文章供老
病空將歲月費消磨
病空將歲月費消磨根細雪饒青草江上高風卷
白波世事不堪頻悵望中原羣盜尚橫戈

晴月初吉夜夢預賀儀口占一律覺後記頸聯

京字韻其下丁未知何祥仍補首尾成篇

天門晴旭射雕甍兩祀朝儀簇艾平日解龍鱗開寶
曆春隨
鶴馭返神京應將喜氣排冤氣併把權譴
作頌聲
高罷白頭來遊旅小窓雨畔曙燈明

後七日恭聞 東朝將以夏至前三日交北京

東還次韻志喜

長安宮闕翼千毫驛報助歡慶太平馬魚欲生旋鳳
輦歲陽初動發燕京天邊雨雪陰山色關外波濤激
海聲應有威神嚴警衛早看璇極日重明

送鄭生西行迎駕

朔風天地閉水雪厲河梁居人墮北戶饑凍卧空床
鄭生遠于邁千里不齊糧借問何爲爾樂此行役忙
副君久幽燕皇穹燕冥茫八年父老思引領西塞長
殊庭適悔禍 鑿幹歸瑤瑤百神擁環衛日月垂晶
光今于候前途喜氣排嚴霜足趺赴百舍險艱猶通
荊山川曠綿邈遼野莽蒼倉德昔夜亂初驚紆回我
腸安得掉羽翎披目衢路倘

可歎

山中朽木古形類每夜當蹊作光怪世間萬事無不
有天上浮雲足變態丈夫坎壈方齟齬刻畫逢迎盡

流草從渠耳病聞蟻鬩看我目光在牛背

除夕得鳥容詩次韻

浮零滄海一孤臣萬里郵筒草有神南極炎蒸堪禦
魅西湖霜雪尚爲人時危痛哭懷存楚道屈茲歌憶
在陳同受新年且同病兩鄉殘燭照嗚呻

又次短律

問俗人情異還家客夢疑求田拋宿計著處覓新知
病與三尸住窮將一鬼隨他鄉莫深恨斗酒強舒悲

其二

徂年若若失吾黨歎歸歎地澗江湖上春生兩雪餘

音書時緬逸鬢髮日稀疎泪沒洪爐內甘從一氣噓

其三

方丈重溟外西湖積水中交壇懷異日容土恨殊風
海運鵬圖壯氣銷劔氣雄明堂將議禮終屬魯申公

除夜

悽悽如對別離筵欲挽良宵已渺然斗轉河橫鷄唱
後此生真擲甲申年

東川先生詩集卷之八

